

**TEZAUR LITURGIC**  
**23 OCTOMBRIE**

**SLUJBA**  
**SF. PREOT-MUCENIC**  
**VLADIMIR**  
**AMBARȚUMOV**  
**DE LA**  
**MOSCOVA**



**MINEIUL PE OCTOMBRIE**  
**MOSCOVA**



# МЕСЯЦА ОКТЯБРЯ В 23-Й ДЕНЬ

## Священномученика Владимира, пресвитера Московскаго

### НА ВЕЛИЦЕЙ ВЕЧЕРНИ

На Господи, возвах: стихиры, глас 2.

Подобен: Егда от Древа:

Егда Божественныя ревности/ сердце твоё  
исполни Господь,/ священномучениче  
преславне,/ тогда всем житиём твоим/  
евангельстей проповеди послужити потщался  
еси,/ и ничтоже возможе тя от Христа  
отвратить,/ ни скорбь, ни теснота, ни  
гонения, // богоблаженне Владимире.

Егда светом веры истинныя/ озари ты  
Господь,/ мучениче всечестне,/ тогда, вся  
житейская во умёты вменив,/ священства дар  
приял еси/ и, в тесноте и гладе пребывая,/  
правило благочестия чадом твоим яви, //  
богомудре Владимире.

Егда любовь совершенную/ в души твоёй  
увёде Господь,/ священниче достохвальне,/  
тогда к исповеданию веры Православныя/ и

пóдвигу мученическому ты призва́,/ и́бо и  
смерть не возмо́же разлучи́ти ты/ от любви́  
Бо́жия, яже о Христé Иисýсе./ Тёмже ны́не  
прославля́ем ты, // богоизбра́нне Влади́мире.

Сла́ва, глас 4:

Прииди́те, ве́рнии, лик соста́вим/ и воспои́м  
но́ваго священномученика,/ всем се́рдцем Бо́га  
возлюбившаго/ и за́поведи ева́нгельския до́бре  
испо́лнившаго./ Что бо обря́щем в завете́ его́?/  
Или́ что насле́дим от имени́я его́?/ Не мя́гки  
ри́зы, но броню́ пра́вды,/ меч глаго́ла Бо́жия и  
щит ве́ры Правосла́вныя./ Сия́ вся ору́жия и  
нам пода́ждь,/ священномучени́че Влади́мире,/ и  
моли́твами твои́ми сонасле́дницы Христу́  
сodeлай, // пода́ющему тобо́ю нам ве́лию  
ми́лость.

И ны́не, Богоро́дичен: И́же Тебе́ ра́ди  
Богооте́ц проро́к Дави́д:

Вход. Прокі́мен дне.

И чтéния 3 священномученику.

На литіи стихи́ры, глас 4:

О сла́вный Правосла́вия побóрниче,/   
священномучени́че Влади́мире,/ с любóвию

припадающе к тебѣ,/ прославляем твоѣ подвиги  
и молимся:/ моли прилежно за нас Господа,// во  
еже спастися душам нашим.

Просветися житіе твоѣ добродѣтельными  
светлостми,/ имиже, верныя просветив,/ тьму  
нечестия разгнал еси./ Темже, сын света  
благодатию Духа Святаго быв,/ вселился еси,  
идеже Свет неувечерний сияет,/ свя-  
щенномучениче Владимире./ Мы же,  
светоносное твоѣ прославление совершающе,//  
любвию тя почитаем.

Слава, глас 6:

Помяни, Господи, иже о Тебѣ  
пострадавшего,/ новаго страсготерпца  
Владимира,/ мужественно Тя исповедавшего/ и  
мук многоразличных претерпевшего,// и  
приими его моления о спасении нашем.

И ныне, глас тойже:

О Благодатная и Пречистая Дѣво Маріе,/ Ходатаице  
и Заступнице всех верных,/ предстательством  
теплаго молитвенника,/ священномученика  
Владимира,// сохрани и защити зѣмлю Русскую.

На стиховне стихиры, глас 5.

Подобен: Радуйся, Живоносный Кресте:

Радуйся, священномучениче Владимире,/ крестителю Руси тезоименне,/ радуйся, красный благовестниче,/ имже мнози глаголы вечныя услышаша/ и надежду спасения улучиша,/ радуйся, пастырю, житием и смертию/ доныне вере научаяй нас.// Моли спастися душам нашим.

Радуйся, священномучениче Владимире,/ верою патриархом древним подобный!/ Радуйся, пророче неведущим Бога,/ радуйся, Духа Святаго обителе!/ Ты бо в пустыни безбожия/ всякий возраст ко Христу приводил еси/ и, яко друг Женихов,/ Тому страданиями последовал еси,// моли спастися душам нашим.

Радуйся, священномучениче Владимире,/ образ Христов нам являяй,/ радуйся, кимвале доброголасный любви Божественныя,/ еяже ради крещением Христовым крестился еси/ и чашу Того испити сподобился еси./ Радуйся, трапезы Небесныя общниче/ и сопричастниче новомучеников и исповедников земли нашея,/

Престо́лу Христо́ву предстоящих, // моли́  
спасти́ся душа́м на́шим.

Сла́ва, глас 8:

Ве́ра твоя́ вмени́ся в пра́вду, избра́нниче  
Бо́жий, / и упова́ние па́че упова́ния во  
страда́ниях обре́л еси́, / любо́вию Христо́вою  
созида́емь. / Те́мже и ны́не, у престо́ла  
Пресвяты́я Тро́ицы предстоя́, // моли́ спасти́ся  
душа́м на́шим.

И ны́не, Богоро́дичен: Безневе́стная Де́во:

Тропа́рь, глас 3:

От ю́ности Бо́га усер́дно взыска́вый, / и́стину  
в Це́ркви Правосла́вней обре́л еси́ / и, крест  
па́стырскаго служе́ния ре́вностно подъя́мый, /  
ве́рныя во дни гоне́ний до́бре окормля́л еси́. /  
Те́мже и преще́ний безбо́жных не убоя́вся, /  
да́же до кро́ве пострада́л еси́, / о́тче  
священномуче́ниче Влади́мире, // моли́  
Ми́лостиваго Бо́га спасти́ся душа́м на́шим.

## НА УТРЕНИ

По 1-м стихословии седален, глас 1:

Духом Евангелия просветился еси/ и  
любовию Божественною,/ еюже познаются  
Христови ученицы,/ чадом своим и ближним  
послужил еси,/ со Христом взывая:// аще кто  
хочет быти первым, да будет всем слуга.

Слава, и ныне, Богородичен:

Благовестия гласом,/ Безневестная Дево  
Мати Христа Бога, позналася еси./ Тому  
послуживши чистым житием Твоим,  
Пресвятая,// от всех родов прославляеши  
достойно.

По 2-м стихословии седален, глас 5:

Деяний мужей апостольских последователь  
явился еси,/ Христа ревностно проповедуя,/ и  
духом на всяцем месте моляся,/ руками своими  
работая,/ скитаяся и беды терпя,// ныне на  
Небесех воздаяние праведных/ приемлещи  
достойно.

Слава, и ныне, Богородичен:

Величает весь мир Тя, Мати Божия,/   
ангельския силы славословят,/ пророцы

ра́достне лику́ют,/ апо́столи благоговей́не  
покланя́ются,// му́ченицы и пра́ведницы  
воспева́ют Тя дерзнове́нно.

По полиеле́и седа́лен, глас 1:

Му́чениче свя́те Влади́мире,/ от ю́ности  
Христа́ возлюбив,/ жити́ем нескве́рным во́зраст  
ста́рости и му́дрость приобрёл еси́,/ и ча́да твоя́,  
зло́бою младе́нствовать науча́я,// я́ко де́ти ко  
Христу́ привёл еси́.

Сла́ва, и ны́не, Богоро́дичен:

Де́во Богоизбра́нная Отрокови́це,/ ве́дуще Тя  
я́ко Ма́терь Бо́жию/ и Засту́пницу ро́да  
на́шего,/ со умиле́нием непреста́нно вызы́аем  
Ти:// Влады́чице Преми́лостивая, не оста́ви  
ча́да Твоя́.

Та́же, степе́нна, 1-й антифо́н 4-го гла́са.  
Проки́мен, глас 4: Че́стна пред Го́сподем/ смерть  
преподо́бных Его́. Стих: Что возда́м Го́сподеви о  
всех, я́же воздаде́ ми? Вся́кое дыха́ние:  
Ева́нгелие от Луки́, зача́ло 67.

По 50-м псалме́ стихи́ра, глас 6:

Ве́рою жив, пра́ведниче, был еси́,/ де́лы  
любве́ и милосе́рдия сию́ укрепля́я,/

священномучениче Владими́ре,/ а́лчущим бо и  
 кро́ва лишénным потре́бная подава́л еси́/ и в  
 гоне́нии непрекло́нен пребы́л еси́./ Сего́ ра́ди  
 бесо́в полки́ победи́л еси́/ и уста́ безбо́жных  
 загради́л еси́, я́коже неко́гда Дании́л уста́  
 льво́в:// моли́ спасти́ся душа́м на́шим.

Кано́н Богоро́дице со ирмосо́м на 6 и  
 священномученику на 8, глас 2.

### Песнь 1

Ирмо́с: Гряди́те, лю́дие,/ поим песнь Христу́  
 Бо́гу/, раздélyшему мо́ре и наста́вльшему  
 лю́ди,/ я́же изведе́ из рабо́ты египетския,// я́ко  
 просла́вился.

Гряди́те, лю́дие,/ поим песнь Христу́ Бо́гу,/  
 раздélyшему неведе́ния на́шего мо́ре/ и  
 наста́вльшему ны пе́ти свята́го мученика Своего́  
 Влади́мира,/ в нёмже просла́вился.

Ре́вности Моисе́овы/ испо́лнен быв, о́тче  
 Влади́мире,/ в пусты́ни безбо́жия ве́ру умно́жил  
 еси́/ и дости́гл еси́ обетова́нныя земли́,/  
 Правосла́вныя Це́ркве.

Тя, священномучениче Влади́мире, за́поведи  
 Госпо́дни при́сно храня́ща,/ по́лчища супоста́т  
 не устраши́ша,/ те́мже во огра́ду Це́ркве

Правосла́вныя вше́д,/ дости́гл еси́ Зе́мли  
Обето́ванныя.

Богоро́дичен: Ковче́же святы́й и Ски́ние  
Божество́нная,/ путево́ждствуй и нас ны́не в  
Го́рний Иеру́сали́м,/ при́сно от Бо́га  
отпа́дающія,/ да насле́дницы бу́дем Зе́мли  
Обето́ванныя.

### Песнь 3

Ирмо́с: На ка́мени мя ве́ры утверди́в,/ разшири́л еси́ уста́ моя́ на враги́ моя́./ Возвесели́  
бо ся дух мой, внегда́ пе́ти:/ несть свят, я́коже  
Бог наш// и несть пра́веден па́че Тебе́, Го́споди.

Ве́рою укрепля́емь, пра́ведне,/ не затвори́л  
еси́ уста́ твоя́, прише́дшей годи́не безбо́жия,/ но  
па́че разшири́л еси́ я, пропове́дуя Христа́,/ и,  
я́коже Ной пра́ведный, ве́рою обличи́л еси́  
нечестивы́я.

Темни́цы и враче́бницы посеща́я,/ Христа́  
Авраа́мим страннолю́бием прия́л еси́,/ и я́коже  
о́наго, изведе́ тя Госпо́дь в Зе́млю Обето́ванную,  
во е́же пе́ти:/ несть пра́веден па́че Тебе́,  
Го́споди.

Про́поведь твоя́ возсия́ во оте́честве на́шем,/ егда́ мно́зи зако́ннии Це́ркве сы́нове впадо́ша в

нечестіе,/ ты же благословеніе Іаковле вѣры  
ради наслѣдовал еси,/ темже с новомученики  
взываеши:/ несть свят, паче Тебѣ, Господи.

Богородичен: Призри на ны, окаменѣнныя  
сѣрдцем и умом, Пресвятая Дѣво,/ и моли Сына  
Твоего,/ да и мы чада Авраамля будем/ и в вѣре  
утвердимся предстательством Твоим,  
взывающе:/ несть праведен паче Тебѣ, Господи.

Седален, глас 1:

Не достанет нам времени, повествующим о  
вѣре твоей,/ юже явил еси кроме Цѣркве, отче  
Владимире,/ но послушествован сѣю быв,/   
достигл еси Небеснаго Иерусалима,/ на  
Начальника вѣры Иисуса взирая,/ и крестным  
подвигом, якоже лѣстницею,/ возшел еси к  
Цѣркви написанных на Небесѣх,/ идеже  
молишися,/ да и мы с тобою совершенство  
приимем.

Слава, и ныне, Богородичен:

Не достанет нам времени воспѣти чудеса  
Твоя, Владычице,/ не достанет словес  
прославити таинства, бывшая на Тебѣ,/ паче же  
дерзновѣнія не имамы, во гресѣх сущѣ/ и во

осуждѣніе устѣ своѣ отверзающе,/ но Ты сия очисти, Чистѣйшая ѿнгол.

## Песнь 4

Ирмосъ: Услышахъ, Господи, слухъ Твой, и убояхся,/ разумѣхъ дела Твоя, и дивихся, и возопихъ:// слава силе Твоей, Господи.

Услышавъ Господа, призывающаго тя,/ по слову Его вся сущая въ міре оставив,/ на крестъ возшелъ еси.

Нозе во благовѣствованіе вѣры обувъ/ и отъ силы въ силу восходя,/ священства благодатию облечся еси,/ таже и мученическимъ венцемъ увенчался еси.

Молитвы дѣланіе возлюбившаго,/ службы святыя совершителя ты постави Господь,/ Емуже, и въ темницу вверженъ, прісно воспевалъ еси:/ слава силе Твоей, Господи.

Богородиченъ: Слухъ Господень услышавшия/ и дела Господня уразумѣвшия укрепи, Пресвятая Дѣво,/ и сподоби силою Сына Твоего/ дела Божія творити.

## Песнь 5

Ирмос: Свѣта Подателю, и веков Творче,  
Господи,/ во свѣте Твоих повелѣний настави  
нас,/ / разве бо Тебѣ иного бога не знаем.

Свѣта исполнено бысть/ священное служение  
твое,/ темже во свѣте заповедей Христовых/  
верныя люди ходити поучал еси,/ мудрыми  
словесы вразумляя.

Любовию отрока сиротствующа всыновив,  
святе,/ и духовная чада, якоже родная прием,/  
ныне мученическим дерзновением/ и нас  
духовныя сродники своя содейай.

Повелением Господним усердно последуя,/  
чадом твоим милостивый отец явился еси/ и,  
яко добрый пастырь, тех, любовию назидая,/  
Христу привел еси.

Богородичен: Угаси раздоры церковныя,  
Христе,/ молитвами Матере Твоея/ и настави  
ны, не человеком угождать, но Тебѣ, Владыко,/  
разве бо Тебѣ иного бога не знаем.

## Песнь 6

Ирмос: Ко Господу от кита Иона возопи:/ Ты  
меня возведи из глубины ада, молюся,/ да яко

Избáвителью во глáсе хвалéния, // и́стины же дýхом пожру́ Тебé.

Благочéстное погребéние жены́ твоея́ / челове́ка нéкого к вéре привéде, / мýченическая же смерть твоя́ / мнóгия из глубины́ мёртвых дел возставлáет.

Во еди́нонадеся́том часé при́зван, / труды́ рéвностныя и конч́ину мýченическую Христý принéсл еси́, / тёмже полúченный дина́рий пода́ждь нам, мо́лимся, / я́коже всегда́ трéбующим творил еси́.

Провидя́щи жена́ твоя́ гонéния, возвестí тебе́ смерть за Христа́, священномýчениче, / ты же, словесы́ сими́ укреплén, / мýченический венéц мýжественне восприя́л еси́.

Богорóдичен: Дýхом и и́стиною Бо́гу поклоня́ющеся, / воспева́ем Тя, Мáти Бо́жия, / я́ко и́стинно Сло́во О́тчее ро́ждшую / и моля́щуюся о спасéнии рóда христиáнского.

Конда́к, глас 7:

Ору́жием правды́ облечénный, / страдáния за вéру мýжески прия́л еси́ / и, я́ко и́стинный во́ин Христóв, / мучите́лем противоста́л еси́, глаго́ля: / привре́менно есть госпóдство ва́ше. / Мы же

вопи́ем ти:/ ра́дуйся, свяще́нномучени́че  
Влади́мире, // во Ца́рствии Небе́снем ве́нцем  
нетле́нным от Бо́га увенча́нный.

### И́кос:

Ве́рою стра́нствия на земли́ прия́л еси́,/  
Оте́чества и́стиннаго взыску́я, / те́мже Бог  
угото́ва ти Небе́сный град; / ве́рою поноше́ние  
Христо́во в бога́тство вмени́в, / египет  
мы́сленный оста́вил еси́, / те́мже Бог на го́ру  
Богови́дения тя возведе́; / ве́рою кровь свою́  
проли́ял еси́, / на мздовозда́ние взира́я, / те́мже  
па́льмовыя ве́тви в ру́це прие́м. / Мы же ны́не  
вопи́ем ти:/ ра́дуйся, свяще́нномучени́че  
Влади́мире, / во Ца́рствии Небе́снем венце́м  
нетле́нным от Бо́га увенча́нный.

### Песнь 7

Ирмо́с: О́бразу злато́му на по́ле Деи́ре  
служи́му, / три́е Твои́ о́троцы небрего́ша  
безбо́жнаго велéния: / посреде́ же огня́  
вве́ржени, ороша́еми по́яху: // благослове́н еси́,  
Бо́же оте́ц на́ших.

Безве́стно, я́ко а́гня незло́биво́е пострада́в,  
свяще́нномучени́че Влади́мире, / ны́не, в бе́лых

одеждах на Небесѣхъ А́гнцу предстоя́, поѣши:/  
благословѣ́ние и честь и сла́ва Тебе́ во ве́ки.

Небре́гл еси́ безбо́жныхъ велѣ́ния, я́ко о́троцы в  
Вавило́не,/ те́мже по сме́рти а́нгел вознесе́ ду́шу  
твою́ в Небе́сныя оби́тели,/ иде́же со ста́рцы и  
а́нгелы покланя́ешися Престо́лу Влады́чню.

В ро́ве земне́м скры́ти беззакóние свое́ мня́ху  
уби́йцы,/ а́нгели же ду́шу твою́ к же́ртвеннику  
Бо́жию вознесо́ша,/ отону́дуже тщету́ мучи́телей  
свидѣ́тельствуеши, вопия́:/ благословѣ́н еси́,  
Бо́же оте́ц на́ших.

Богоро́дичен: О́бразу злато́му не  
покланя́ющихся/ ороси́ ми́лостию Твое́ю,  
Богоро́дице,/ Ни́ва бо Ты еси́ неора́нная,/  
ороше́нная же Ду́хом Святы́м/ и прозя́бшая  
Еди́наго от Тро́ицы, Бо́га оте́ц на́ших.

## Песнь 8

Ирмо́с: В печь о́гненную ко отроко́м  
евре́йским снизше́дшаго,/ и пла́мень в ро́су  
прело́жшаго Бо́га,/ по́йте, дела́, я́ко Го́спода,//  
и превозносите́ во вся ве́ки.

Власть мучи́телеву, я́ко вре́менную обли́чив,/  
в темни́цу вве́ржен был еси́,/ ю́же ти Госпо́дь

росою Ду́ха в храм претвори́./ Ны́не же пред  
Престо́лом Бо́жиим служи́ши Емú во ве́ки.

Добромúдр быв, егда́ разделéния церкóвная  
прилучи́шася,/ Христу́ Еди́ному вёрно послужи́л  
еси́/ и ча́да своя́ в послуша́нии Тому́ сохрани́л  
еси́./ Тёмже Седя́щий на Престо́ле обита́ет в  
тебе́ во ве́ки.

Бо́жие промы́шление безро́потно прия́л еси́/  
и, скита́ясь и лишéния терпя́,/ б́лижним  
служéния не оста́вил еси́, о́тче Влади́мире./  
Тёмже по сло́ву Госпо́дню ра́дости неизрече́нныя  
насыща́ешься.

Богоро́дичен: О́гненные пéщи и тьмы  
геéнския изба́ви нас, Влады́чице,/ но ми́лостива  
к нам бúди,/ да Тя, я́ко Богоро́дицу и Ма́терь  
Свёта, в пёснях возвели́чим.

## Песнь 9

Ирмо́с: Безнача́льна Родите́ля Сын, Бог и  
Госпо́дь,/ вопло́щся от Дéвы нам яви́ся,/  
омраче́нная просвети́ти, сопроти́ расточе́нная, //  
Тем Всепéтую Богоро́дицу велича́ем.

Земны́м отце́м свяще́нным писа́ниям  
науче́н,/ от Отца́ Небе́снаго печа́ть Ду́ха Свята́го

прия́л еси́/ и, Сы́ну Бо́жию послéдовав,/ да́ры  
Небе́сныя по́двигом му́ченическим оправда́л еси́.

Гонéния, предречéнная ти, прия́л еси́ от  
безбо́жных/ и, сло́ву ева́нгельскому послéдуя,/   
мно́гия ско́рби и мучéния претерпéл еси́,/ сего́  
ра́ди ны́не лику́еши во Оби́телех О́тчих.

Бо́гу ны́не предстоя́,/ просвети́ ны, грехми́  
мно́гими омрачéнные,/ воздвигни́ от сна  
грехо́внаго/ и научи́ ны воспевáти Тро́ицу  
Единосу́щную и Неразде́льную.

Богоро́дичен: И́мамы в бéдне му́читься,  
омрачéннии страстьми́,/ а́ще не Ты, Дéво,  
умо́лиши Сы́на Твоего́,/ да поми́лует нас,/ тем  
Всепéтую Богоро́дицу, Тя велича́ем.

Свети́лен:

Днесь свéтлый о́блак свидéтелей Бо́жиих  
призва́вше,/ вся новому́ченики Цéркве Ру́сския  
просла́вим,/ да облистáет нас Со́лнце Пра́вды,  
Христóс Бог наш,/ моли́твами  
священному́ченика Владíмира,/ и́же кúпно с  
ними́ Престо́лу Бо́жию предстои́т/ и Свéта  
Невечéрняго наслажда́ется.

Сла́ва, и ны́не, Богоро́дичен:

Днесь, Богома́ти,/ сия́нием Твои́х образо́в  
огражда́еши и осеня́еши нас./ Мы же  
благодарне́ вопие́м Ти:/ ра́дуйся, Засту́пнице  
усе́рдная,/ грёшных Спору́чнице и всех  
скорбя́щих Ра́досте.

На хвалі́тех стихі́ры на 4, глас 1.

Подобен: Всехва́льнии му́ченицы:

О всехва́льне свяще́нномучени́че!/ Ты  
мучи́тельми в зе́млю лю́те вве́ржен был еси́,/ но  
а́нгели на Не́бо ду́шу твою́ прия́ша,/ отону́дуже  
всем лю́бящим тя,/ я́ко звезда́ пресве́тлая  
сия́еши,/ и па́мять твою́ днесь све́тло  
соверша́ющих// в Небе́сныя оби́тели  
путеводству́еши.

О всехва́льне свяще́нномучени́че!/ Ты, сла́вы  
земны́я бе́гая,/ кра́сная ми́ра сего́ отве́ргл еси́/  
и на путь скорбе́й и страда́ний/ му́жественне  
возше́л еси́./ Сего́ ра́ди му́ченик Госпо́день  
наре́кся еси́/ и, в лице́ святы́х ны́не  
водворя́ясь,// мо́лишися о спасе́нии душ  
на́ших.

О всехва́льне свяще́нномучени́че!/ Тебе́  
чи́стыми се́рдцем и усты́/ похвалéние

приноси́ти подоба́ет,/ ты же, не́мощь душе́вную  
на́шу/ и ску́дость словесную ве́дая,/ приими́ с  
любо́вию днесь пе́ние си́е/ и, Престо́лу Бо́жию  
предсто́я, // моли́ спасти́ся душа́м на́шим.

Сла́ва, глас 2:

Со́тника ве́ру, и во Изра́или неведомую,  
показа́в,/ от лю́торския ве́ры в Правосла́вие  
преше́л еси́/ и, стори́чный плод Христу́  
принеся́,/ во Ца́рствии Небе́снем со Авраа́мом  
возле́гл еси́./ Те́мже с ним Го́спода моли́,/ да  
изба́вит нас тьмы кромешни́я// и спасе́т ду́ши  
на́ша.

И ны́не, глас то́йже:

Все упова́ние моё на Тя возлага́ю,/ Ма́ти  
Бо́жия, // сохрани́ мя под кро́вом Твои́м.

## **НА ЛИТУРГИИ**

Служба вся священномученику

**[Утверждена Священным Синодом  
Русской Православной Церкви  
21.10.2016 (журнал № 96).]**

